

3967

281.6
U-39

1915

2010

2012

ՀԱՅՈՑ ԵԿԵՂԵՑՈՒ

(85)

ԱՍՏՈՒԱԾՊԱՇՈՒԹԵԱՆ

ՀԱՄԱՌՈՏ ԴԱՍԱԳԻՐՔ

Պետական և քաղաքային դպրոցների համար

○○○○○○

ԿԱԶՄԵՑԻՆ

Յովհ. տ. ք. Մագթիրոսեան և Գիւտ ա. ք. Աղանեան



ՊԱՏԿԵՐԱԳՐԻԴ

2001

Առաջին տպագրութիւն

ԹԻՖԼԻԶ

Տպարան Ն. Աղանեանի, Պոլից. 7

1915

281-6
Մ-39

H A P M.
H2-951a

281.6
L-39

ՀԱՅՈՑ ԵԿԵՂԵՑՈՒ

ԱՍՏՈՒԱԾՊԱՇՈՒԻԹԵԱՆ

ՀԱՄԱԴՐԱ ԴԱՍԱԳԻՐՔ

3626

Պետական և քաղաքային դպրոցների համար

••••○••••

ԿԱԶՄԵՑԻՆ

Օպիկ. ա. ք. Մարգիրոսեան և Գիւտ ա. ք. Ազանեան

••••○••••

ՊԱՏԿԵՐԱԶԱՐԴ

Առաջին տպագրութիւն

ԹԻՖԼԻԶ

Տպարան Ն. Ազանեանի, Պօլից. 7
1915

THE HISTORY OF THE AMERICAN PEOPLE

ԳՐԱՄԱՐԴԱՐԱՆ

S Q N H U Ø

**ՀՈԳԵՒԹՈՐ ԺԱՅՐԱԳՈՅՆ ԻՇԽԱՆՈՒԹԵԱՆ
ՀՐԱՄԱՆՈՎ**

Qualität und Preis von P-10 sind dementsprechend zu den oben dargestellten.

45060-uh.



29479-63

and the O_2 required for respiration is taken up by

210

ԱՍՏՈՒԲՃՎԱԾՏՈՒԹԻՒՆ

բանակցիք և խորհրդ պատմական պահանջմանը.

Ի՞նչ է աստուածականութիւնը.

Աստուածպաշտութիւնն է Աստծուն ծառա-
յելը այնպէս, ինչպէս որ Հայոց եկեղեցին սահ-
մանել է:

Սահմանող.

Աստուածպաշտութիւնը ամենից առաջ սահմանեց ինքը Քրիստոս, որ մեզ սովորցը պաշտել Աստծուն հոգով և ճշմարտութեամբ, և յետոյ յանձնեց այն իր առաքեալներին. առաքեալներն էլ յանձնեցին իրանց յաջորդ հայրապետներին և եպիսկոպոսներին:

Հայոց եկեղեցու աստուածպաշտութեան
և եկեղեցու ծիսակատարութիւնների սահմանողը
եղան Թաղէսոս և Բարդուղիմէսոս առաքեալները
և ս. Գրիգոր Լուսաւորիչը.

ՏԵՍԱԿԱՅԵՐԻ.

Աստուածաշաղացութիւնը լինում է՝ հասարակաց և մասնաւոր:

Հասարակաց աստուածպաշտութիւնը կատարւում է եկեղեցում սրբազնագործ պաշտօ-

նեաների ձեռքով։ իսկ մասնաւորը այն է, երբ մէկ անհատ կամ, ըստ ցանկութեան, ամբողջ խմբեր բոց են անում իրանց հոգին Աստծու առջև և աղօթում նրան։

Հասարակաց աստուածպաշտութիւնը պէտք է կատարել հանդիսաւոր կերպով և ջերմեռանդ սրտով, արտաքին արարողութիւնը միացնելով ներքին զգացմունքի հետ, և հոգու ու մարմնի մաքրութիւնով։

Մասնաւոր աստուածպաշտութիւնը պէտք է կատարուի նոյն ջերմեռանդութեամբ մեր գործերի սկսուելու և վերջանալու, ուրախութեան և տրտմութեան ժամանակ, ճաշից առաջ և յետոյ, ննջելիս և արթնելիս ևայլն, որպէսզի Աստծուց ստանանք շնորհ և ողորմութիւն մեր ձեռնարկութիւնների համար։

ԱՍՏՈՒԱՅՊԱՇՏՈՒԹԵԱՆ ԺԱՄԵՐԸ

Եկեղեցին առաջին դարերում սահմանել էր աղօթել օրը ինն անգամ։

1. Գիշերային, որ կատարւում էր կէս գիշերին։

2. Առաւօտեան, որ լինում էր առաւօտը՝ լուսաբացին։

3. Արեագալի, արել ծագելու ժամանակ։

Այժմ այս կարգը կատարւում է միայն մեծ պասի հասարակ օրերին։

4. 5. 6. Ճաշու երեք ողորմեաները—ասիական երրորդ, վեցերորդ և իններորդ ժամերին—որոնք այժմ կատարւում են միասին։

7. Երեկոյեան ժամերգութիւն, որ սկսւում էր արեամտից առաջ։

8. Խաղաղական ժամ, որ կատարւում էր մութն ընկնելուց յետոյ։

և 9. Հանգստեան ժամ կամ Եկեսցէ, որ կատարում էին գիշերը հանգստանալուց առաջ։

Այժմ այս բոլոր կարգերը միացած են և կատարւում են օրը երկու անգամ՝ առաօտեան և երեկոյեան։

ՄՐԲԱՋԱՆ ԳՈՐԾՈՂՈՒԹԻՒՆԵՐ

Հասարակաց աստուածպաշտութեան ժամանակ կարդացւում է սուրբ գիրքը, այն է՝ հին և նոր կտակարանը և երգում են շարականներ, այն է՝ հոգեոր երգեր։

Հին կտակարանը պարունակում է իր մէջ աշխարհի ստեղծման պատմութիւնը և մարդարէների գուշակութիւնները Յիսուսի մասին. իսկ նոր կտակարանը՝ Յիսուսի կեանքն ու գործունէութիւնը երկրի վրայ։

Բացի դրանից՝ Հասարակաց աստուածպաշտութեան ժամանակ կատարւում են զանազան սրբազն գործողութիւններ. այն է՝ խաչակընքելը, երկրպագելը, խունկ ծխել պատկերների առաջ և ժողովրդին, օրհնել խաչով, աւետարանով և սրբերի մասունքներով. կատարւում է՝ թափոր, նախատօնակ և հսկում:

Խաչակինելով յիշում ենք Փրկչի մահը խաչի վրայ մեր փրկութեան համար:

Երկրպագելով ցոյց ենք տալիս մեր խոնարհութիւնը և նպատակութիւնը Աստծու մեծութեան և կամքի առաջ:

Խունկ ծխելը պատկերների առաջ նշանակում է, որ մեր ջերմեռանդ աղօթքով յարգանք ենք տալիս նրանց և ցանկանում ենք, որ մեր աղօթքներն էլ խնկան ծխի նման բարձրանան Աստծու մօտ:

Խաչով, աւետարանով եւ սրբերի մասունիներով օրինելի նշանակում է, որ օրհնում ենք մեր Փրկչի իսկական պատկերով:

Թափօր կատարում են տէրունական տօներին, նոյնպէս և անձրեկի պակասութեան և ուրիշ ժողովրդական թշուառութիւնների ժամանակ, օրհնելով երկրի չորս կողմերը, և Աստծու ողորմութիւնը հայցելով:

Նախատօնակը, ինչպէս բառի նշանակութիւնն էլ ցոյց է տալիս, կատարում են տէ-

րունական և նշանաւոր սրբերի տօների նախընթաց երեկոները սեղանի առաջ զգեստաւորուած և վառած մոմերով, կատարելով միւս օրուայ կարգի մի մասը: Առաջին դարերում մոմը գործ էին դնում միայն լուսաւորութեան նպատակով, իսկ այժմ փոխուած է իրրե յարգանքի նշան դէպի Աստծու տունը:

Հսկումը այն է, որ գիշերը մնում են արթուն և աղօթքով են անցկացնում, կատարելով Հանգստեան կամ Եկեսցէի կարգը:

Հայոց Եկեղեցին ինչպէս հասարակաց աստուածպաշտութիւնը, այնպէս էլ բոլոր խորհուրդները սկսում է և վերջացնում Հայր մերով, որ հիմքն է բոլոր աղօթքների և խնդրուածների:

ԵԿԵՂԵՑԻ ԿԱՄ ՏԸՆԸՐ

Եկեղեցու մասերը.

Եկեղեցի խօսքը նշանակում է հաւատացեալների ժողով:

Եկեղեցին երկուսի է բաժանւում. — զինուորեալ և յաղթական:

Զինուորեալ եկեղեցի կազմում են կենդանի հաւատացեալները, որոնք, ինչպէս Քրիստոսի զինուորներ երկրի վրայ, զինուած են քրիստոնէական հաւատով, յուսով և սիրով, կուում

են ամեն տեսակ չարիքների դէմ և յաղթում։ Իսկ յաղթական եկեղեցի սրանց հոգիներն են, որոնք երկրի վրայ քաջութեամբ տանելով իրանց պատերազմը՝ փոխուել են երկինք յաղթական կերպով։

Նիւթական եկեղեցին այն շէնքն է, քարից կամ փայտից, որ յատկացրած է հասարակաց աստուածպաշտութեան համար և որը օրհնում և օծում է եպիսկոպոսը սուրբ մեռնով։ Այս շէնքն էլ եկեղեցի է կոչւում նրա համար, ուրովիետև Քրիստոսին հաւատացող ժողովուրդը այնտեղ է աղօթում Աստծուն, այնտեղ են կատարւում եկեղեցու սրբազնն խորհուրդները և աստուածպաշտութեան կարգը և ընդունում ենք, որ այնտեղ աներենյթ կերպով բնակում է Աստուած, որի համար եկեղեցին կոչւում է նաև Աստծու տուն։

Հայկական եկեղեցին երկար քառանկիւնի ձև ունի, նաև խաչաձև և ունի երեք մաս։ — 1. գաւիթ, 2. իսկական տաճար և 3. բեմ, որի վրայ հաստատուած է սեղանը։

Գաւիթը տաճարի արտաքին մասն է, եկեղեցու արևմտեան պատին կից, ուր հին ժամանակ հաւաքւում էին չմկրտուածներն ու ապաշխարողները, երբ պատարազի ժամանակ սարկաւագը երգում էր «մի ոք յերախայից» երգը։ Իսկական տաճարը այն մասն է, որ գտնը-


ւում է գաւիթի և բեմի մէջտեղը և բաժանւում է երկուսի. — առաջին մասում կանգնում են հոգեորականները և աստուածպաշտական կարգը կատարում, իսկ երկրորդ մասում կանգնում է ժողովուրդը։ Այդ մասում գտնւում է քարէ աւազանը, ուր մկրտում են հաւատացեալներին։

Ենմը տաճարից բարձր է մի քանի աստիճանով ու բաժանւում է նրանից վարագուրով. այնտեղ բարձրանում են միայն սրբազնագործ և աստիճան ունեցող հոգեորականները։ Բեմի վրայ հաստատուած է մի բարձր սեղան քարէ սիւնի վրայ, ուր մատուցւում է սուրբ պատարագը։

ԵԿԵՂԵՑՈՒ ՀԻՄՆԱՐԿԵՔԸ

Երբ հաւատացեալ ժողովուրդը փափագում է եկեղեցի ունենալ, հրաւիրում է եպիսկոպոսին հիմքը օծելու և յետոյ էլ, երբ շինութիւնը պատրաստ լինի, օրհնելու և օծելու եկեղեցին։

Եպիսկոպոսը վերցնում է ճարտարապետական լարը, զծում է գետնի վրայ շինութեան ձեր, վերցնում է բըիչը, առաջ ինքն է սկսում քանդել, իսկ յետոյ շաբունակում է ժողովուրդը,



Այսպէս գցեց ս. Էջմիածնի տաճարի հիմքը Հայաստանի լուսաւորիչ ս. Գրիգորը:

Երբ որ եկեղեցու հիմքը պատրաստ է լինում տուած յատակագծի համեմատ, եպիսկոպոսը, հոգևորական դասի և ժողովրդի բազմութեան հետ, ս. մեռնը տանում է նոր եկեղեցու տեղը: Վազօրօք պատրաստած է լինում 16 կտոր քար հիմքի համար, որոնց եպիսկոպոսը օրհնութեամբ լուանում է գինով և ջրով և օծում ս. մեռնով: յետոյ փաթըթելով սպիտակ կտաւի մէջ՝ ամեն մէկը դնում է իր համար յատկացրած տեղը:

Այդ քարերից տասներկուսը կրում են առաքելների, երկուսը Մարկոս և Ղուկաս աւետարանիչների, մէկը մեր առաջին լուսաւորիչ ս. Թադէոսի, որ Քրիստոսի աշակերտներիցն էր և մէկը ս. Գրիգոր Լուսաւորչի անունը: Քարերը կը լու համար որոշուած են լինում տասնվեց աշխարհական կնքահայրեր:

ԵԿԵՂԵՑՈՒ ՕՃՈՒՄԸ

Երբ եկեղեցու շինութիւնը բոլորովին պատրաստ է լինում, դարձեալ հրաւիրում են եպիսկոպոսին օծելու:

Նախընթաց երեկոյեան եպիսկոպոսը, մե-

ոռնակիր քահանան և հոգեորականները զգեստաւորուած, ժողովրդի բազմութեան հետ ս. մեռոնը հանդիսով տանում են նոր եկեղեցին: Այստեղ կատարում են նախատօնակ, եկեղեցին անուանում են տէրունական մի տօնի կամ սրբերից մէկի անունով, կատարում են երեկոյեան ժամերգութիւնը և հսկումն է լինում: Այս կարգը կոչւում է օծման նաւակատիք:

Միւս օրը առաւօտեան նոյն կարգով սկըսւում է օծման հանդէսը արկմաեան դրան մօտ, ուր դուռը փակած կատարում են դռնաբացէքի կարգը:

Յետոյ մանելով եկեղեցի, եպիսկոպոսը ջըռով ու գինով լուանում է քարէ սեղանը և օծում նրա վրայ փորագրած անկիւնի խաչերը և մէջտեղի խաչը, որ կոչւում է գագաթ: Սեղանը ծածկում է եօթը գոգնոցով, դնում է սեղանի վրայ հինգ վառած աշտանակ, բազմեցնում է այստեղ խաչ, աւետարան և փրկչական պատկեր, իբրև երեկի նշաններ Փրկչի աներեւոյթ կերպով ներկայ լինելուն սեղանի վրայ:

Եպիսկոպոսը նոյն կարգով օծում է աւագանը, չորս սիւները՝ չորս աւետարանիչների անունով, գոների կամարները, խորանների ճակատները, եկեղեցու արեելեան ճակատը, խորհրդանոցը և աւագանը. Կայլն:

Օծման արարողութիւնը կատարւում է զրահամար սահմանուած աղօթքներով:

Օծումից յետոյ պատարագ է մատուցանում ինքը եպիսկոպոսը:

Այդ օրից ութ օր շարունակ նաւակատիքի տօն են կատարում, իսկ իններորդ օրը կատարում է նորաօծ եկեղեցու տօնը:

ԵԿԵՂԵՑԱԿԱՆ ԱՆԹՐՈՒԵՐ

Եկեղեցական գլխաւոր անօթները, որոնք գործ են դրում աստուածպաշտութեան ժամանակ, սրանք են.

Սկիհ. Սկիհը արծաթէ կամ ոսկէ բաժակ է. սրա մէջ ածւում է սուրբ խորհրդի գինին, որ պատարագին քահանայի աղօթքով փոխարկում է Յիսուսի արեան: Սկիհը այն բաժակի նշանակութիւնն ունի, որից Յիսուս խորհրդական ընթրիքի ժամանակ տուեց խմելու իր աշակերտներին՝ ասելով. — «Խմեցէք ամենքդ այս բաժակից, որովհետև այս իմ արիւնն է»:

Մաղմայ. ոսկէ կամ արծաթէ փոքրիկ ափսէ է, որի վրայ քահանան գնում է նշանը ու ծածկում քողով:



Մասնաւուի. արծաթէ կամ ոսկէ փոքրիկ
տուփ է, որի մէջ պահւում է Յիսուսի
մարմին և արեան մասը՝ հիւանդներին,
բանտարկուածներին և մկրտութեան
ժամանակ երեխաներին հաղորդելու

համար:



Բաժակաման. արծաթէ կամ
ապակէ շիշ է, որով տանում են սե-
ղան գինի՝ պատարագի գործածու-
թեան համար:

Մեռոնիածից.

արծաթից շինած
աման է, մեծ մասամբ աղաւ-
նաձև, 'ի նշան ս. Հոգու աղաւ-
նակերպ երեման. գործ
է գնուում ս. մեռոն պա-
հելու համար:



Բուրվառ. խունկ
ծխելու անօթ է. որա-
նով խնկարկում են եկեղեցում բոլոր
հոգեոր հանդէմների ժամանակ և խընդ-
րում, որ մեր ազօթքներն էլ խնկան ծխի
նման բարձրանան դէպի երկինք ու լսելի
լինին Աստծու առաջ:

Խաչվառ. գրօշակ է, գլխին խաչ և
վրէն տէրունական պատկեր. տանում են
առջեց եկեղեցական բոլոր հանդէմների



ժամանակ ինչպէս յաղթութեան գրօշակ. Խաչ-

վառի գործածութիւնը եկեղեցու մէջ մտաւ Մեծն

Կոստանդիանոս

կայսեր օրից, երբ

նա փոքր զօրքով

գնում էր կոռուե-

լու թշնամու դէմ

և ճանապարհին

նրան օդի մէջ

երեկցաւ մի լու-

սեղէն խաչ, որի

վրայ գրած էր.

«սրանով կյաղ-

թես». նա անմի-

ջապէս հրամայեց

զօրքին գրօշակ-

ների վրայ խաչ

նկարել և այդպի-

սով թշնամուն

յաղթեց: Այդպէպ-

քից սկսած սկսե-

ցին ինչպէս զօր-

քի առաջ, այն-

պէս էլ եկեղեցում

ամեն հանդէմնե-

րի առջնից դրօ-

շակ տանել՝ վրէն

խաչ նկարած:





Քող. արծաթէ բոլորակ մի գործիք է, որի վրայ դրոշմուած են հրեշտակների պատկերներ. ամբացը ած է երկար ձողի վրայ և սարկաւագները շարժում են պատարագի խորհրդաւոր երգեցողութիւնների ժամանակ. Քշոցը այն բանի նշան է, որ աներեռյթ կերպով հրեշտակները սպասաւորում են սուրբ խորհրդին:

Խաչը գործ ենք դնում յիշելու Յիսուսի իսկական խաչափայտը, որի վրայ նա խաչուեց մարդկանց փրկելու համար. Այս պատճառով խաչը մի պարծանք է ամեն մէկ քրիստոնեայի համար, և գործ է ածւում ամբողջ աստուածպաշտութեան ժամանակ:

Խաչը այնքան մեծ համարում ունի քրիստոնեանների համար, որ մինչև անգամ գործ է ածւում իբրև պատուի նշան և իբրև հոգեորդէնք՝ շատերը կրում են իրանց կրծքին.

Բացի սրանցից գործ են դրւում նաև՝

Պատկեր

Հին ժամանակ, ուզենալով նոր դարձած հաւատացեալների սրտերում տպաւորել սուրբ



մարդերի գործերը՝ նրանց պատկերները կախում էին եկեղեցում, որտեղից մնացել է սովորութիւն և մեր մէջ:

Հայոց եկեղեցում գործ են ածում տէրունական, Աստուածածնի և այն սրբերի պատկերները, որոնց տօնում է մեր եկեղեցին:

Հայոց եկեղեցում կարելի է գործ ածել միայն իւղաներկ պատկերներ, որ օծում է եպիսկոպոս ու մեռոնով:

Աւանակել ջան.

Աշտանակ և ջահը գործնական նշանակութիւն ունին՝ մէջը կերոններ և մոմեր ամրացնելու համար:

Գրակալ. |

Գրակալը գործ է դրւում վրէն եկեղեցական գրքեր դարսելու համար:

ԵԿԵՂԵՑԱԿԱՆ ԶԳԵՍՏՆԵՐ

Հայոց եկեղեցում գործ ածուող զգեստների մեծ մասը վերցրած է հին ուխտի եկեղեցւց: Պատարագի ժամանակ գործ են դրւում հետևեալ զգեստները.

Քահանան գործ է դնում՝ սաղաւարտ, շապիկ, փորուրար, գոտի, բազպան, վակաս և շուրջառ:



Եպիսկոպոսը գործ է զնում այդ բոլորը
բացի սաղաւարտից և նոյնպէս՝ թագ կամ խոյր,
եմիփորոն և գաւազան:

Կաթողիկոսը՝ բացի եպիսկոպոսի գործ ածած
զգեստներից՝ նաև կոնքեռ:

Սարկաւագը՝ շապիկ և ուրար:
Կիսասարկաւագը՝ շապիկ և բազկուրար:
Իսկ դպիրները միայն շապիկ:



Սարտը Փրկչի փշեայ պսակի նշանակութիւնն ունի:

Նասիկը սովորաբար սպիտակ
է լինում՝ ի նշան մաքրութեան և
անմեղութեան:

Փորուցարը ձգւում է պարա-
նոցից մինչև ներքև և նշանակում
է Քրիստոսի պատուիրանների



ծանր լուծը, որ քահանան տանում է իր վրայ:



Փօտին ցոյց է տալիս, որ քահանան զինուած
է հոգեկան քաջութեամբ իր պաշտօնը արիու-
թեամբ կատարելու համար:



Բազանները պատարագիչը
հագնում է երկու թերին և
նշան է բազուկների զօրութեան,
որ կարողանայ սրբութեամբ
սպասաւորել խորհրդին:

Վակասը արծաթից շին-
ւած կամ ասղնէգործած ուսա-
նոց է, որի վրայ նկարուած են




լինում Յիսուսի և տասներկու առաքեալների
պատկերները. վակասը դրւում է պատարագչի
ուսերին և նշան է մոլորուած մարդկութեան:

Երբ վակասը
գործ է դնում
եպիսկոպոսը՝
ետեից կախ-
ւած են լինում
երկու արտա-
խուրակներ:

Ծուրջառը
գործ է ած-
ւում պատա-
րագի, սրբա-
զան խորհուրդ-
ների, աստ-
ւածաղաշտու-
թեան և ծէսե-
րի կատարման
ժամանակ:

Ծուրջառը այն
անկար քղա-
միդի նշանակութիւնն ունի, որ չարչարանքի
ժամանակ գցեցին Յիսուսի վրայ:



Թագը կամ խոյը ականակուռ է լինում
և նշանակում է հին և նոր կտակարանների գի-
տութիւնը:

Եսիփորոնը մեծ ուրար է, որ կրում է ե-
պիսկոպոսը շուրջառի վրայ:





Գաւազանը
վարիչ հոգեուրա-
կանների պատուի
նշան է և լինում
է երկու տեսակ.
— երկզիւեան օ-
ձագարդ, որ գործ
են դնում եպիս-
կոպոսը և ծայ-
րագոյն վարդա-
պետը. Եւ հո-

վուական, որ գործ է ածում կաթու-
ղիկոսը ինչպէս ամբողջ
ազգի հովուապետ:


Կոնֆեռը քառանկիւ-
նի խաչաձև զարդ է, որ
կախում է կաթուղիկոսը
աջ կողմը գօտկից, և
հովուապետական հոգեուր
զէնքի նշանակութիւնն
ունի:

Ուրարը կրում է սար-





կաւագը ձախ ուսին և նշանակում է, որ նա սկսում է արդէն Յիսուսի լուծը կրել որպէս եկեղեցական պաշտօնեայ:



Բազկուրարը ձախ թևի վրայ կրում է կի-

սասարկաւագը և նշանակում է, որ նա ևս պատրաստում է Քրիստոսի լուծը վերցնելու, որպէս եկեղեցական պաշտօնեայ:

ԸՍՏՈՒԾՃՊԱՇՏՈՒԹԻՒՆ ԿԱՏԱՐՈՂՆԵՐԸ

Աստուածպաշտութիւն կատարելու համար որոշեալ պաշտօնեաներ կան, որոնք կառավարում են հաւատացեալ ժողովրդին և նրանց հոգեոր կարիքները հոգում:

Այդ պաշտօնեաները հետեւեալներն են.

Հայրապետ, եպիսկոպոս, վարդապետ և քահանայ:

Հայրապետը կամ կաթուղիկոսը մեր ազգի ծայրագոյն գլուխն է և Հայաստանեայց եկեղեցու ընդհանրական պատրիարքը: Նա է կառավարում Հայոց եկեղեցին, ձեռնադրում է եպիսկոպոսներ, օրհնում է ո. մեռնը և առհասարակ վարում է ազգի կրօնական կրթութեան հոգուր:

Հայրապետը ընտրւում է ամբողջ ազգի կողմից, երդւում է հետեւ Հայաստանի լուսաւորիչներ ո. Թագէոս և Բարդուղիմէոս առաքեալների և ո. Գրիգորի և միւս հայրապետների գրած կանոններին և օծւում է ո. Էջմիածնի տաճարում տասներկու եպիսկոպոսների ձեռքով: Օծելուց յետոյ գցում են նրա վրայ հայ-

ըագետական քողը։ Այդ քողը ամեն հանդէս-ների ժամանակ տանում են հայրապետի տռ-ջնից։

Բացի ամենայն հայերի կաթողիկոսից մեր մէջ երկու մասնաւոր կաթողիկոսներ էլ կան՝ Սսի և Աղթամարի, որոնց իշխանութիւնը տա-րածւում է միայն իրենց թեմերի վրայ։

Կան նոյնպէս երկու պատրիարքներ՝ Երու-սաղէմի և Կ. Պօլսի, որոնք միայն եպիսկոպոս-ներ են, բայց ունին հոգեոր վարչական իրա-ւունքներ։

Եպիսկոպոս նշանակում է տեսուչ։ Եպիս-կոպոսի պաշտօնն է իր վիճակի համար քահա-նաներ և ստորին պաշտօնեաներ ձեռնադրել և հոգալ իր թեմի հոգեոր գործերը։

Եպիսկոպոսացուին ընտրում է թեմի ամ-բողջ ժողովուրդը և ընտրուածին ձեռնադրում է Հայրապետը, տալով նրա ձեսքը զաւազան և ձկոյթին դնելով մատանի ինչպէս նշան իշխա-նութեան։

Վարդապետը նոյնն է ինչ որ քահանան, միայն վարչական պաշտօններ է կատարում։ Վարդապետը օրէնքի ուսուցիչ է և աւետարանի քարոզիչ։ Այն վարդապետները, որոնք միայն քարոզչութեամբ են պարապած, Հայրապետի հրամանով եպիսկոպոսից ստանում են մասնա-ւոր և ծայրագոյն կոչումը։

Թէ կաթողիկոսը, թէ եպիսկոպոսը և թէ վարդապետը կուսակրօն են լինում (չեն ամուս-նացած), իրանց կեանքը հաւատացեալ ժողովրդի կառավարելուն են նուիրած և որոշուում են քա-հանաներից՝ գլխին վեղար կրելով։

Քահանայ նշանակում է պաշտօնեայ։ Քա-հանան ձեռնադրում է և ս. մեռոնով օծւում եպիսկոպոսի ձեռքով, որով դառնուած է ժողովրդի հովիւ։

Զեռնադրութիւնը եկեղեցու խորհուրդ է և ունի եօթն աստիճան։ — գոնապան, գպիր, երգ-մմեցուցիչ, ջահընկալ, կիսասարկաւագ, սարկա-ւագ և քահանայ։

Քահանայացուին ընտրում է եկեղեցու ծուխը գլխաւորապէս ուշադրութիւն դարձնելով, որ նա ունենայ կրօնական ուսում, մաքուր վարք ու բարք, ներքին ձգտում հոգեորական լինելու և մարմնական առողջութիւն։ Ընտրեալին ձեռնա-դրում է թեմի եպիսկոպոսը, որ իրաւունք է տալիս եկեղեցու խորհուրդները կատարելու և ծխի հոգեոր պէտքերը հոգալու։

Նորընծայ քահանան ձեռնադրուելուց յետոյ քառասուն օր առանձնանում է եկեղեցու սե-նեակում, ուր վարժուում է քահանայական գի-տելիքների մէջ։

Սարկաւագի պաշտօնն է սպասաւորել պա-տարագին, աւետարանը և խորհրդի ընծաները

վերաբերել, աւետարան կարդալ և հաւատի հանգանակն ասել:

Հին ժամանակ սարկաւագը աւելի մեծ պարտաւորութիւններ ունէր. նա շատ անդամ եղիսկոպոսի օգնականն էր նրա բարենպատակ գործունէութեան ժամանակ:

Սարկաւագն ու նրանից վեր հոգեոր կարգունեցողները կոչւում են սրբազնագործ պաշտօնեայ:

Կիսասարկաւագը և միւս աստիճանաւորները հին ժամանակ ամեն մէկն էլ իրանց առանձին առանձին պարտականութիւններն ունէին եկեղեցում, բայց այժմ դրանք ամենքն էլ միայն օգնում են աստուածաղաւութեան կարգ կատարելուն և կոչւում են եկեղեցու ստորին պաշտօնեայ:

ԱՍՏՈՒԾԺՊԱՇՏՈՒԹԵԱՆ ԳՐԲԵՐՐ

Եկեղեցում գործ են դրւում հետևեալ գրքերը.

Աւետարան, ժամագիրք, շարական, ձաշոց, խորհրդատետը, տաղարան, տօնացոյց և մաշտոց:

Աւետարանը պարունակում է Յիսուսի երկրաւոր կեանքը. գրեցին չորս աւետարանիներ՝ Մատթէոս, Մարկոս, Ղուկաս և Յոհաննէս:

Աւետարանը թարգմանուեց հայերէն հինգերորդ դարում ս. Սահակ և Մեսրոպ թարգմանիչների և նրանց աշակերտների ձեռքով:

Ժամագիրքը օրուայ ժամերի վրայ բաժանուած գիրք է, որ պարունակում է իր մէջ աստուածաղաւութեան կարգը, այն է՝ հասարակաց աստուածաղաւութեան վերաբերեալ սաղմոսները, որ փոխ են կոչւում, երգերը, ազօթքներն ու քարոզները:

Ժամագիրքը գրել են ս. Սահակ և ս. Մեսրոպ և մեր ուրիշ նշանաւոր հայրապետները:

Նարականը պարունակում է իր մէջ տէրունական, սուրբերի տօներին և հանգստեան կարգին վերաբերեալ հոգեոր երգերը, որոնք երգւում են եկեղեցում:

Շարականների մեծ մասը երգեցին ս. Սահակն ու ս. Մեսրոպը և յետոյ լրացրին մեր ուրիշ նշանաւոր հայրապետներ, մանաւանդ տասներկուերորդ դարում ձոխացրեց ս. Ներսէ Շնորհալին:

Ճաշոցը հին և նոր կտակարանից մի ժողովածու է, որ կարգացւում է եկեղեցում ամեն օր: Այդպէս է կոչւում, որովհետեւ մեծ մասամբ կարդացւում է ճաշու ժամերգութեանը և պատարագներին:

Խորհրդատերի մէջ գրուած է ամբողջ պատարագի խորհուրդը:

Տաղարանի մէջ ամփոփուած են պատա-
բագի ժամանակ երգուող բոլոր երգերն ու
տաղերը:

Տօնացոյցը մի հրահանգ է, որ ցոյց է տա-
լիս, թէ Հայոց եկեղեցու տօները երբ են կա-
տարւում և այդ տօներին աստուածպաշտութիւնը
բնչ կարգով պէտք է կատարել:

Տօնացոյցը կազմեցին ս. Սահակը և ս. Մես-
րոպը հինգերորդ դարում, իսկ տասնեռութերորդ
դարում կարգի դրեց Սիմէօն կաթողիկոսը:

Մաշտոցի մէջ գրուած են եկեղեցու խոր-
հուրդների ու ծէսերի կատարման ձևերը, ուս-
տի և կոչւում է ծիսարան:

Մաշտոցը թարգմանեց և կարգի դրեց ս.
Մեսրոպը, որի երկրորդ անունով էլ կոչուեցաւ
այդ գիրքը մատոց:

Ս. ՊԱՏՄՈՒԹԻ ԽՈՐՀՐԴԻ ՀԱՄԱԹՈԾ ԲԱ- ՑԱՏՐՈՒԹԻՒՆ

Պատարագ խօսքը նշանակում է նուէր կամ
պոհ:

Պատարագ է կոչւում աստուածպաշտու-
թեան այն էական մասը, որով կատարւում է
Յիսուսի չարչարանքի և մահուան յիշատակը:

Պատարագի խորհուրդը սահմանեց Քրիստոս

իր մատնութեան երեկոյին աւագ հինգշաբթի
օրը Երուսաղէմի վերնատանը, երբ ձեռքն առ-
նելով հացը օրհնեց, տուեց աշակերտներին ու
ասաց. «Առէք, կերէք այս իմ մարմինն է».
Նոյնպէս և վերցնելով գինին՝ օրհնեց ու ասաց.
«Խմբցէք սրանից ամենքդ, այս իմ արիւնն է».
և աւելացրեց. «Այս բանը կատարեցէք ինձ յի-
շելու համար»:

Իսկ հետեւեալ օրը իսկական զոհն ու պա-
տարագը եղաւ ինքը Յիսուս, մեռնելով խաչի
վրայ՝ մարդկանց փրկելու համար:

Պատարագի մասերը.

Պատարագը բաժանւում է երկու մասի.
ա. հասարակաց պատարագ. և բ. արժանաւոր-
ների պատարագ:

Հասարակաց պատարագը սկսւում է պա-
տարագի սկզբից մինչև խորհրդի ընծաների վե-
րաբերումը. այս մասում հին ժամանակ ամեն
մարդ իրաւունք ունէր ներկայ լինել:

Արժանաւորների պատարագն սկսւում է վե-
րաբերումից մինչև վերջը և այդ ժամանակ կա-
րող էին ներկայ լինել միայն արժանաւորները,
որոնք և արժանի էին լինում ս. հաղորդութիւն
ընդունելուն. իսկ չմկրտուածներն ու ապաշ-
խարութեան տակ գտնուածները դուրս էին
գնում գաւիթը:

Կատարողը. Պատարագ մատուցանողը կոչ-

ւում է պատարագիչ կամ ժամարար: Պատարագի խորհուրդ կատարելու իրաւունք ունին միայն սրբազնագործ հոգևորականներ, այն է՝ կաթողիկոսը, եպիսկոպոս, վարդապետ և քահանան:

Պատարագիչը նախ քան պատարագ անելը պատրաստում է. նա մաքրում է իր հոգին ու մարմինը, սրբում է իր խիղճը. իր անցեալ սխալմունքները խոստովանուում է քահանային և զղջում նրանց վրայ:

Նիւթը. Պատարագի նիւթն է՝ բաղարջ հաց և անջուր գինի:

Զգեստաւորաթիւն եւ սպաս դնելը. Պատարագից առաջ քահանան մտնում է խորան, հանում է վերարկուն, որ նշանակում է աշխարհային մեղքերից հրաժարուել, և հագնում է պատարագի զգեստները, որոշուած աղօթքներն ասելով:

Դուրս գալով խորանից՝ լուանում է ձեռները սեղանի առաջ ի նշան սրտի մաքրութեան: Յետոյ բարձրանալով բեմը, կարգում է յատկացրած աղօթքը և գնում է սպասը այսպէս. — գնում է ընծայարանի մօտ, վերցնում է նշխարը, դնում մաղղմայի վրայ, յետոյ գինին ածում սկիու մէջ և ամեն անգամ ասում, որ դա մեր տէր Յիսուս Քրիստոսի յիշատակն է:

Սպաս դնելը նշանակում է ս. կուսի աւետումը և Յիսուսի մարմին առնելը:

Յետոյ պատարագիչն իջնում է սեղանից և խնկարկելով ժողովրդին՝ կրկին բարձրանում է սեղան. այդ պաշտօնը կոչւում է աշխարհ գալոց:

Ա. լիծայի վերաբերումը.

Պատարագի ընծաները վերաբերելուց առաջ սարկաւագը ձայն. է տալիս, որ ոչ մի չըմկըրտուած, անմաքուր մարդ չմօտենայ պատարագի խորհրդին: Քրիստոնէութեան առաջին դարերում այդ ժամանակ եկեղեցուց դուրս էին գնում բոլոր չըմկրտուածներն ու ապաշխարողները:

Այդ միջոցին պատարագիչը հանում է սաղաւարաը և հողաթափները, եթէ եպիսկոպոս է՝ եմիփորսնը, թագը, մատանին և հողաթափները: Սա նշանակում է, որ մինչեւ այդ ժամանակ պատարագիչը իշխանական կերպ ունէր, Քրիստոսին էր ներկայացնում, իսկ այսուհետեւ համարում է պատարագի խորհրդի սպասաւոր:

Վերաբերումը Յիսուսի մարդկութեան խորհուրդն ունի:

Ողջոյն.

Պատարագի ընծաները սարկաւագի ձեռքից ընդունելով պատարագիչը աղօթում է Հօր Աստծուն, յիշելով Յիսուսի տնօրինութիւնները, և յետոյ սարկաւագը առաջարկում է ժողովրդին միմեանց ողջունել սուրբ համբոյրով, իսկ նրանց,

որոնք արժանի չեն ներկայ լինելու սուրբ խորհրդին, գուրս գնալ և աղօթել, ինքը պատարագչից ողջոյն առնելով՝ ողջոյնը տանում է տալիս հոգեորականներկն և սրանք ժողովրդին:

Ողջոյն նշանակում է, որ ամենքը պէտք է հաշտուելով միմեանց հետ լինեն մի սիրտ և մի հոգի, հանելով իրանցից ամեն տեսակ ոփ և ատելութիւն ու թշնամութիւն դէպի իրանց ընկերները. ապա թէ իրաւունք ունենայ ներկայ լինել սուրբ խորհրդին:

Սրբազործութիւն.

Ողջոյնից յետոյ սարկաւագը զգուշացնում է ներկայ եղող ժողովրդին ահով ու երկիւղով կանգնել և զգուշութեամբ նայել, որովհետեւ մօտենում է հացի ու զինու սրբազործութեան ժամը, այսինքն երբ որ քրիստոնէական եկեղեցու գաւանութեան համաձայն, պատարագչի օրհնութեամբ հացն ու զինին աներևոյթ կերպով փոխում է Քրիստոսի մարմին և արեան:

Դպիրները երգում են հրեշտակների երգը «Սուրբ, սուրբ», իսկ քահանան այդ ժամանակ ծածուկ աղօթում է առ Հայր վերյիշելով Յիսուսի երկրաւոր կեանքի պատմութիւնը, որ աւարտում է Յիսուսի խօսքերով, ուր նա կըրկնում է «Սուրբ, սուրբից» յետոյ բարձրաձայն, բարձրացնելով նշանը և ասելով «Առէք կերէք, այս է մարմին իմ». և վերցնելով զինին՝

ասում. «Արբէք ի սմանէ ամենեքեան այս է արիւն իմ»: Այս և սրանից յետոյ հօր, Որդուն և սուրբ Հոգուն ուղղուած երգերի ժամանակ պատարագչի աղօթքներն ու գործողութիւնները պատարագի այն էական մասն է, որ կոչում է սրբազործութիւն:

Յիշաւակութիւն.

Սրբազործութիւնից յետոյ սարկաւագներն անցնում են սեղանի աջ կողմը և յիշաւակում եկեղեցու սրբերին և ազգային նշանաւոր նահատակներին, այսինքն՝ այն ամենին, որոնք երկրի վրայ իրանց պատերազմը կատարելով՝ յաղթական կերպով փոխուել են յաւիտենական կեանքը:

Այդ ժամանակ պատարագիչը ծածուկ աղօթում է եկեղեցու հաստատութեան և ուղղափառ եպիսկոպոսների համար: Երբ սարկաւագները վերջացնում են, պատարագիչը բարձրաձայն յիշաւակում է թագաւորին, հայրապետին ու նոյն եկեղեցու առաջնորդին:

Ապա անցնելով սեղանի ձախ կողմը՝ սարկաւագները յիշաւակում են բոլոր կենդանի հաւատացեալներին, որոնք զինուորուած քրիստոնէական կրօնով՝ պատերազմում են աշխարհի անհաւատութեան և փորձութիւնների դէմ:

Այդ ժամանակ պատարագիչը ծածուկ աղօթում և բարեմաղթութիւններ է անում եկեղեցում:

զեցում՝ ներկայ եղող ժողովրդի և եկեղեցու սուիրատուների կենդանիների ու ննջեցեալների համար:

Ճաշակումն.

Դպիրները երգում են Տէրունական աղօթքը՝ «Հայր մեր», որով խնդրում ենք երկնաւոր Հօրը, որ իր միածին Որդու մարմինն ու արիւնն էլ, ինչպէս մեր ամենօրեայ հացը, տայ մեզ մեր հոգիների փրկութեան համար:

Յետոյ քահանան բարձրացնում է նշխարն ու ասում «Ի սրբութիւն սրբոց». այսինքն՝ դա Տիրոջ սուրբ մարմինն է և արիւնը, որից յետոյ ընկղմում է նշխարը բաժակի մէջ և դառնալով դէպի ժողովուրդը՝ նրա ջերմեռանդութիւնն է շարժում դէպի ու խորհուրդը:

Այնուհետև ծածկում են վարագոյրը և երգում «Տէր ողորմեա», որով հայցում են Տիրոջ գթութիւնն ու ողորմութիւնը բոլոր վշտացածների և նեղացածների և մեռածների հոգու փըրկութեան համար:

Պատարագիչը նշխարը չորս մաս է անում ասելով «Լումն չոգւոյն սրբոյ», որ նշանակում է թէ պատարագի խորհուրդը վերջացել է սուրբ չոգու շնորհիւ. յետոյ աղօթելով ընդհանուր աշխարհի և իր ժողովրդի համար՝ ճաշակում է ինքը և հաղորդում նրանց, որոնք պատրաստած

են համարում իրանց և արժանի ու խորհրդին մօտենալու:

Քահանան օրհնում է ժողովրդին և դառնում դէպի սեղան:

Գոհուրիւն.

Դպիրները երգում են գոհացողական երգը՝ «Լցաք ի բարութեանց քոց Տէր», որով շնորհակալութիւն ենք յայտնում Տիրոջ, նրանից ստացած երկնաւոր բարիքի համար:

Յետոյ պատարագիչը «Որ օրհնես» նշանաւոր աղօթքը ասելով՝ իշնում է բեմից աւետարանը ձեռին և աւետարան կարդալով, պահպանիչով և տէրունական աղօթքով արձակում ժողովրդին:

Մնացեալ ժողովրդին բաժանում է մասը:

ԵԿԵՊ. ԵՑԱԿԱՆ ԳԼԽԱԿԱՈՐ ՏՕՆԵՐ.

Տօն նշանակում է ազատութեան օր, երբ մենք թողնում ենք աշխարհային բոլոր գործերը և այդ օրը պէտք է անց կացնենք աստուածահաճոյ և հոգևոր գործերով։

Եկեղեցական տօները սահմանուած են նրա համար, որ այդ օրերը փառաբանենք մեր փըրկիչ Յիսուսին, Մարիամ ս. կոյսին և յարդենք այն բոլոր սրբերի յիշատակը, որոնք նահատակուել են քրիստոնէական կրօնի և եկեղեցու՝ մանաւանդ մեր ազգային եկեղեցու հաստատութեան համար։

Տօները երեք տեսակ են՝ տէրունական, աստուածածնի և սրբոց։

Տէրունական տօներ։

Տէրունական տօներից չորսը կոչում են տաղաւար կամ նաւակատիքի տօներ. դրանք են.

1. Յիսուսի ծննդեան եւ մկրտութեան տօնը, որ կոչում է նաև ջրօրհնէք, որովհետեւ այդ օրը ջուր են օրհնում խաչով ու աւետարանով և ածում են մէջը մեռոն իբրև յիշատակ Յիսուսի մկրտութեան։ Այդ տօնը կատարում ենք միշտ յունուարի 6-ին։

Եկեղեցին այդ օրը տօն է կատարում, ու-

բովհետև Յիսուս ծնուելով Մարիամ ս. կոյսից Բեղզեհէմի այրի մէջ և Յովհաննէս Մկրտչից մկրտուելով Յորդանան գետում՝ դրանով սկիզբ դրեց մարդկային ազգի փրկութեան գործին։

2. Յիսուսի յարութեան տօնը, որ կատարում է մարտ կամ ապրիլ ամիսներին, նրա մահուան երրորդ օրը։ Այդ տօնը կոչում է նաև Զատիկ, որովհետեւ Յիսուսի յարութիւնը պատահեց Հրէից Զատկի տօնին։

Յարութեան օրը եկեղեցին տօն է սահմանել նրա համար, որովհետեւ Յիսուս իր յարութեամբ ոչնչացրեց մահը, այն է՝ խաւարի իշխանութիւնը և մարդկային ազգին պարգևեց ազատութեան յոյս։

Յիսուս իր յարութիւնից յետոյ երկրի վրայ մնաց քառասուն օր. երեսաց իւղաբեր կանանց, իր աշակերտներին և հաւատացեալներին։

3. Քրիստոսի պայծառակերպութեան տօնը, որ կատարում է յուլիս ամսին։

Այս տօնը սահմանեց ս. Գրիգոր լուսաւորիչը, երբ վերացնելով Անահիտ կուռքի տօնը, որ կոչում էր նաև Վարդավառ, կուռքի տեղը վարդերով զարգարուելու պատճառով, նոյն օրը սահմանեց տօնել Յիսուսի պայծառակերպութիւնը, իսկ անունը էլի մնաց Վարդավառ։

Յիսուսի պայծառակերպութիւնն այն է, որ Յիսուս կամենալով ցոյց տալ իր աստուածային

փառքը՝ վերցրեց իր երեք աշակերտներին և գնաց Թափօր սարը, ուր նրա դէմքը լուսաւուրուեց արեգակի պէս, շորերը սպիտակացան ինչպէս ձիւն և այդ ժամանակ ամպը ծածկեց նըրան աշակերտների աշքից. նրանց ականջին հնչեց Աստծու ձայնը, որ ասում էր. «Դա է իմ սիրելի որդին, դրան լսեցէք»:

4. Քրիստոսի խաչափայի վերացման տօնը, որ կատարում ենք սեպտեմբերի 14-ին մօտակայ կիրակի օրը:

Այդ օրը երեկոյեան ժամերգութեան ժամանակ բագմեցնում են իւաչը և զարդարում հոտաւէտ ծաղիկներով: Հոգեոր դասը զգեստաւորուած և հոգեոր երգերով դուրս են տանում խաչը և եկեղեցու շուրջը աշխարհի չորս կողմ թափոր կատարում:

Քրիստոսի խաչը Պարսից Խոսրով թագաւորը գերի էր տարել Երուսաղէմից Պարսկաստան 622 թուին. Հերակլ կայսրը 629 թուին յաղթելով պարսիկներին՝ ո. խաչը յետ բերեց Երուսաղէմ և սեպտեմբերի 14-ին մեծ հանդիսով բագմեցրին եկեղեցում, որից և սկիզբն առաւ տօնել խաչվերացի տօնը:

Տէրունական միւս տօները սրանք են՝ Մարիամ ս. կուսի աւետումը, որ կատարում է միշտ ապրիլի 7-ին:

Փրկչի անուանակոչութիւնը, կատարւում է յունուարի 13-ին:

Յիսուսի խուսնօրեայ տաճար տանուելը, կատարւում է փետրուարի 14-ին:

Համբարձում, որ կատարւում է Զատկից քառաներորդ օրը:

Սուրբ Հոգու գալուսը վերնատանը, որ կատարւում է Համբարձումից տասն օր անց—եօթն օր շարունակ:

Աստուածածնի տօներ.

Աստուածածնի տօների մէջ նշանաւոր է նրա վերափոխման տօնը, որ կատարում ենք օգոստոսի 15-ի մօտակայ կիրակի օրը:

Այս տօնն էլ տէրունական չորս մեծ տօների նման տաղաւարի տօն է և նաւակատիք. այդ օրը պատարագից յետոյ կատարում է խաղողի օրհնութիւն և ինն օր նախատօնակ է լինում ի պատիւ ս. կուսի:

Վերափոխումն այն է, որ երբ Մարիամ ս. կոյսը վախճանուեց՝ առաքեալները նրա մարմինն ամփոփեցին Գեթսեմանի պարտիզում: Այդ ժամանակ Բարդուղիմէոս առաքեալը ներկայ էր. երբ եկաւ՝ ցանկացաւ նրա մարմինը տեսնել, բաց արին դամբանը և Աստուածածնին չգտան մէջը: Նրան երկաց ս. կուսի հոգին և

յայտնեց, որ Աստուածածնի մարմինը վերափոխուել է երկինք:

Մարիամ ո. կուսի մնացեալ տօները սըրանը են.

Ծնունդ—սեպտեմբեր 8-ին.

Երեք տարեկան տաճար—Տոյեմբերի 21-ին.

Յղութիւն Աստուածածնի Աննայից—դեկտեմբերի 9-ին:

Սուրբերի գլխաւոր տօներ.

Հայոց եկեղեցին տօնում է բազմաթիւ սըրբերին, որոնց յիշատակը կատարում է երկուշաբթի, երեքշաբթի, հինգշաբթի և շաբաթ օրերը. չորեքշաբթի և ուրբաթ մեր եկեղեցին տօն չի կատարում, ինչպէս ապաշխարութեան օրեր. իսկ կիրակին նուիրուած է Ցիսուսի յարութեան յիշատակին:

Սրբերի տօների մէջ մեծ տօներ համարում են հետևեալները.

Ա. Թաղէոս եւ Բարդուղիմէոս առաքեալների տօնը, ինչպէս Հայաստանի առաջին լուսառիչների, որ կատարում ենք նոյեմբերի վերջին կամ դեկտեմբերի սկզբին:

Թաղէոս առաքեալի եւ Սանդուխ կուսի

տօնը, որոնք նահատակուեցան Սանատրուկի ձեռքով. կատարում է յուլիս ամսին:

Ա. Գրիգոր լուսաւորչի առաջին տօնը, յիշատակ նրա չարչարանքի և խորվիրապ գցուելու, կատարում ենք մեծ պատի հինգերորդ շաբաթ օրը:

Ա. Գրիգոր լուսաւորչի երկրորդ տօնը, խորվիրապից գուրս գալու յիշատակը, կատարում ենք հոգեգալստից երկու շաբաթ յետոյ յունիս ամսին:

Ա. Գրիգոր լուսաւորչի երրորդ տօնը, նրա մարմինը գտնելու յիշատակը, տօնում ենք վերջին տօնից երկու շաբաթ յետոյ:

Ա. Հռիփսիմեանց տօնը, որ կատարում ենք հոգեգալստից մի շաբաթ յետոյ:

Ա. Էջմիածնի համազգային տօնը, որ կարգեց ս. Գրիգոր լուսաւորիչը, երբ աւարտեց Էջմիածնի տաճարի շինութիւնը. տօնում ենք յունիսին խորվիրապից գուրս գալու տօնի միւս օրը:

Հրեշտակապետների տօնը, որ կատարում ենք նոյեմբեր ամսին:

Ամենայն սրբոց տօնը, նոյեմբեր ամսին:

Ղետնեանց քահանաների և Վարդանանց գորավարների երկու մեծ տօները կատարում ենք բուն բարեկենդանի երեքշաբթի և հինգշաբթի օրերը:

Ս. Ասիակ եւ Մեսրոպ թարգմանիչների մեծ
տօնը, որ կատարում ենք յունիս ամսին:

Ա. Արգար անդրանիկ քրիստոնեայ թագա-
ւորի տօնը կատարում ենք դեկտեմբեր ամսին:

Ա. Տրդաս թագաւորի տօնը, որ կատար-
ում է յուլիս ամսին:

Մնացեալ սրբերի տօները կատարում է ե-
կեղեցին ինքը, բայց այդ օրերը կերակի չեն
պահւում:

ԱՅՐԺԱԿԱՆ ԵՒ ԸՆՃԱՐԺ ՏՈՆԵՐ

Հայոց եկեղեցու տօները կատարման ժա-
մանակի վերաբերութեամբ երկու տեսակ են՝
շարժական և անշարժ:

Տօների մեծ մասը շարժական են. այդ
տօները կապ ունին Զատկի տօնի հետ. և որով-
հետև Զատկի տօնը ամեն տարի միկնոյն օրը
չի գալիս, այլ շարժւում է յետ ու առաջ, ուս-
տի և տօներն էլ նրա հետ միասին շարժւում
են յետ կամ առաջ:

Կան և անշարժ տօներ, թէպէտ թուով շատ
քիչ, որոնք ամեն տարի կատարում են միե-
նոյն ամսին և միկնոյն օրը.

Անշարժ տօները սրանք են.

Ցիսուսի ծնունդն ու մկրտութիւնը յու-
նուարի 6-ին.

Ցիսուսի անուանակոչութիւնը յունուարի
13-ին.

Տեառնընդառաջ փետրուարի 14-ին.

Մարիամ ս. կուսի աւետումը ազրիլի 7-ին.

Մարիամ ս. կուսի ծնունդը՝ սեպտեմբերի
8-ին.

Մարիամ ս. կուսի ընծայումը տաճարին՝
նոյեմբերի 21-ին.

Մարիամ ս. կուսի յղութիւնը Անսայից՝
դեկտեմբերի 9-ին:

Նաւակատիք.

Ասացինք, որ հինգ գլխաւոր տօները կա-
տարում են նաւակատիքներով:

Նաւակատիք բառը նշանակում է եկեղեցու
շինութեան տօն կամ հանդէս և առնուած է հին
ուխտի եկեղեցուց. երբ Սողոմոն թագաւորն ա-
ւարտեց տաճարի շինութիւնը, եօթն օր նաւակա-
տեաց տօն կատարեց: Մեր նախնիքն էլ հինգ մեծ
տօները սահմանեցին նաւակատիք կատարել և
հրէաներից որոշուելու համար կարգադրեցին
պատարագ անել և ուրախութեան տօն կատա-
րել, ուտելով ամեն տեսակ կերակուր, բացի

մաից, որովհետև հրէաները նաւակատիքները
զոհաբերութեամբ էին տօնում:

ՏՕՆԱԿԱՆ ՀԱԲԵԹԻՆԵՐ

Մեր եկեղեցին տարուայ շաբաթների մեծ
մասը նուիրած ունի աւետարանի զանազան ա-
ռակների կամ կրօնական դէպքերի յիշատակին:

Մեծ պասի առաջին և երկրորդ կիրակի-
ները կոչւում են արտախման և յիշատակ են
Աղամի արտաքսուելուն դրախտից:

Երրորդ կիրակին յիշատակ է անառակ որ-
դու առակին:

Չորրորդ կիրակին յիշատակ է Տիսեսին
և մեծատան ու աղքատ Ղազարոսի առակներին:

Հինգերորդ կիրակին յիշատակ է անիրաւ-
դատաւորի առակին:

Վեցերորդ կիրակին յիշատակ է Քրիստոսի
առաջին և երկրորդ զալսեան:

Աւագ շաբաթ կոչւում է մեծ պասի վեր-
ջին շաբաթը. աւագ շաբաթի ամեն մի օր ա-
ռանձին խորհուրդ ունի:

Աւագ երկուշաբթին նուիրուած է աշխարհի
արարչութեան և Աղամի դրախտից արտաք-
սուելուն:

Աւագ երեքշաբթին յիշատակ է տասը կոյ-
սերին և վերջին դատաստանին:

Աւագ չորեքշաբթին յիշատակ է Յուղայի
մատնութեան: Չորեքշաբթի գիշերը ժամերգու-
թիւնից յետոյ կատարուում է գիշեր ժամու ա-
ղօթքը—Եկեսցէն ապաշխարուների համար:


Աւագ հինգշաբթին յիշատակ է խորհրդա-
կան ընթրիքի, ուր Քրիստոս սահմանեց հաղոր-
դութեան խորհուրդը: Այդ գիշեր կատարուում է
Քրիստոսի շաբչարանքի կարգը և կարդացւում
է նրա կտակը:


Աւագ ուրբաթ յիշատակ է Քրիստոսի խա-
չելութեան և մահուան: Ճաշի ժամերգութեանը
կատարուում է խաչելութեան կարգը, իսկ երե-
կոյեան հանդիսաւոր կերպով՝ Քրիստոսի թաղ-
ման թափոր է լինում եկեղեցուց գուրս:

Աւագ շաբաթ յիշատակ է Քրիստոսի թաղ-
ման: Երեկոյեան Զատկի ճրագալոյց է, նախա-
տօնակ, նաւակատիք և լուծուում է պահքը՝ բա-
ցի մսից:

Իսկ կիրակի Քրիստոսի յարութիւնն է կամ
Զատիկը:

Այնուհետև բոլոր կիրակիները նուիրւած
են Քրիստոսի յարութեան յիշատակին, բացի
յատուկ տօն սահմանած կիրակիների օրերից:





A PM
H 02-951a

03.

ԼՈՅՍ ՏԵՍԱՆ

Յովհ. ա. ք. Մարտիրոսեանի և Գիւտ ա. ք. Աղանեանի

- ՀԱՅՈՑ ԵԿԵՂԵՑՈՒ ԱՍՏՈՒԱԾՊԱՇՏՈՒԹԵԱՆ ՀԱՄԱՆԱԴՐԻՑ, պատկերազարդ. պետական և քաղաքային դպրոցների համար.
գինն է 25 կոպեկ, գումարով գնողին 25% զեղջ
- ԿՐՈՆԻ ԴԱՍԵՐ, Առաջին տարի, պատկերազարդ.
ծխական, քաղաքային և պետական դպրոցների համար.
գինն է 20 կ. գումարով՝ 25% զեղջ.

○○○○○○

ԼԵՏՏԵՏԵՏԵ ԼՈՅՍ ԿԸ ՏԵՍՆԵՆ

«Կրօնի դասեր»-ի երկրորդ և երրորդ տարիները.

Դիմել՝ հեղինակներին և բոլոր գրավաճառներին.

3967

ՀՀ Ազգային գրադարան



NL0030800

3845